



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CXLIII. Benedictus Dominus Deus meus, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Dum tibi mœsta meo ingeminans ego pectore ver-
Anxius effundo, te assidueq; voco. (ba
Extentis manibus te flagito, teq; requiro,
Et mea mens te ceu terra perusta sitit.
Me, Deus, exaudi ex animem, me respice, quaeso,
Ne fiam similis, quos rapit atra specus.
Gratia nota tua & tua semita sit mihi trita,
Tu tibi fidentem, Ioua, iuuare velis.
Eripe ab insidiis me & viribus hostis acerbi,
Ad te confugio, me tua dextra tegat.
Ut fiant tibi grata, colam Deus ut tua iussa,
Spiritus ille bonus me tuus usq; regat.
Viuifica recreaq; tui me propter honorem,
Nominis, ac animam hanc eripe mille malis.
Et quia tu iustus Deus es, ne parce malignis,
Qui famulum oppugnant nocte dieq; tuum.*

PSALMVS CXLIIII.

Benedictus Dominus Deus meus, &c.

Prosequar insigni Dominũ qua laude potẽtem?
Qui docet in bello has vincere posse manus.

N n 3

Qui

Qui mihi praesidium, defensor, turris, asylum,
Qui facit, ut populus me reuerenter amet.
Nunquid enim tanto est mortalis dignus honore?
Num decus hoc hominem promeruisse putem.
Quin vitâ ipsa hominis video nil vanius esse,
Tempore nam paruo transit, ut umbra leuis.
Inclina caelum ergo tuum, & descende, Iehoua,
Montibus ut tactis, humida fumet humus.
Castra inimica tuo mox discute fulmine misso,
Impiaq; his telis agmina pelle procul.
Fluctibus oppressum violentis liberet, ac me
Hostili eripiat vi, tua dextra, Deus.
Erue me à linguis, quas dogmata spargere falsa,
Erue me à manibus, quas docuisse iuuat.
Tunc tibi lata feram decachordo carmina suauis,
Et cithara landes tunc resonabo tuas.
Regibus in bello qui das & pace salutem,
Nulla nocere hostis qui mihi tela sinis:
Me serua ereptum gladiis hostilibus horum,
Quorum est lingua dolis plena, cruore manus.
Qui dicunt: crescant nati ceu plantula nostri,
Natarum superet regia tecta nitor,

Hor-

*Horrea nostra noua & veteri sint frugē referta,
Et pecudes tenera vellerā multa ferant.
Mille boum nobis veniant ad aratra labores,
In nostra maneat pax diuturna domo.
Felicem dicunt populum, cui sunt bona tanta:
At magis est felix gens pia, cara Deo.*

PSALMVS CXLV.

Exaltabo te, Deus meus, &c.

TE laudabo meum Regemq³ Deumq³, Iehoua,
Te nomenq³ tuum concelebrabo pie.
Grata Deo assidua praconia voce sonabo,
Et praclarā Dei nomina laude veham.
Est magnus Dominus, bonitas est summa Iehoua,
Quam satis effari nulla loquela potest.
Virtutem Domini narrabunt secla futura,
Posteritasq³ canet fortia facta Dei.
Magnificam maiestatem memorabo Iehoua,
Ne miracula dies nesciat vlla Dei.
Diuina ut celebrent homines opera inclyta dex-
Huius & ut fiat gloria nota magis. (tra,
Ut